



Broj: 09/2-16-8-41067-21/21

Datum: 15. 06. 2022. godine

Na osnovu odredbi člana 69. stav (1) tačka b) i stav (2) tačka a), kao i člana 70. stav 4. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku, broj: JN1-16-8-41067-20/21 od 13.06.2022. godine, u postupku javne nabavke obrazaca naljepnice za vizu (viza stikeri) za potrebe Ministarstva inostranih poslova BiH, **d o n o s i m:**

O D L U K U **o poništenju postupka javne nabavke**

Poništava se postupak javne nabavke obrazaca naljepnice za vizu (viza stikeri) za potrebe Ministarstva inostranih poslova BiH iz razloga što niti jedna ponuda nije dostavljena u određenom krajnjem roku, a u skladu sa odredbom člana 69. stav (2) tačka a) Zakona o javnim nabavkama.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Posebnom odlukom ministrice inostranih poslova BiH, broj: 09/2-16-8-41067-6/21 od 28.01.2022. godine, u kojoj je predviđeno da je procijenjena vrijednost javne nabavke bez PDV-a 400.000,00 KM.

Na Portalu javnih nabavki objavljeno je Obavještenje o nabavci broj: 253-2-1-5-3-2/22 od 02.02.2022. godine i Ispravka obavještenja o nabavci broj: 253-2-1-5-8-3/22 od 24.02.2022., a sažeci istih objavljeni su u Službenim glasnicima BiH, broj: 7 od 11.02.2022. godine i broj: 12 od 04.03.2022. godine, na osnovu kojih je proveden ograničeni postupak nabavke obrazaca naljepnice za vizu (viza stikeri) za potrebe Ministarstva inostranih poslova BiH.

Tenderskom dokumentacijom (druga faza – poziv za dostavljanje ponude) za nabavku obrazaca naljepnica za vizu (viza stikeri) definisan je rok za dostavljanje ponuda 13.06.2022. godine, do 10:00 časova.

Komisija je utvrdila da do isteka roka za dostavljanja ponuda, ponuda jedinog kvalifikovanog ponuđača u predmetnom postupku, „Cetis“ d.d. – Celje (Slovenija) i „Meridian“ a.d. - Banja Luka, kao grupe ponuđača, nije pristigla.

Imajući u vidu pomenuto, Komisija je svojim Zapisnikom broj: JN1-16-8-41067-20/21 od 13.06.2022. godine, dala preporuku o poništenju postupka javne nabavke obrazaca naljepnice za vizu (viza stikeri) za potrebe Ministarstva inostranih poslova BiH, a u skladu sa odredbama člana 69. stav (2) tačka a) Zakona o javnim nabavkama ("Službeni glasnik BiH", br. 39/14), člana 5. stav (2) tačka f) Pravilnika o uspostavljanju i radu komisije za javne nabavke ("Službeni glasnik BiH", br. 103/14) i članova 6. i 11. Poslovnika o radu Komisije za javne nabavke, te je stoga odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri..

MINISTRICA

dr Bisera Turković

DOSTAVITI:

1. Ponuđačima,
2. Sektoru za međunarodno-pravne i konzularne poslove,
3. Odsjek za opšte poslove, arhiv i dokumentaciju;
4. Odsjek za finansije i
5. a/a.

